

Universitätsbibliothek Paderborn

Opvs De Ivdiciis Divinis, Qvae Devs In Hoc Mvndo Exercet

Accessit index concionatorius in omnes totius anni dies Dominicos & Festos, ab ipso Auctore confectus

Stengel, Georg

Ingolstadii, 1651

6. Mortui loquentis atque ad vitam excitati, de innocentia, testimoniu[m].

urn:nbn:de:hbz:466:1-45699

hendisse se eos dixit, aliquando vñà colloquentes. Hoc totum
 crimen erat, quod censebatur adeò atrox supplicium commeruisse.
 Quare denuò exhortari orsus Antistes, *Nescis*, inquit, peccatum
 esse, dubitare de proximi virtute, etiara quando quis neutrā in
 partem per assensum propendet, sed eum prudens & sciens cohibet, &
 acepit heret, si quidem non nitatur sufficienti causa; cùm iniquè illum bo-
 na existimatione priuat, ad quam utiq; ius habet is, qui priuat. Quan-
 do igitur iniquius erit, iudicare plonè, ac deliberatè, & pro certo, aliquid
 mali de altero, sine sufficienti causa; & quidem tam funestum malum?
 nec indicare tantum, sed etiam ad pœnam procedere? Numquid audi. Psal. 57. 14
 iusti? Si verè vtique iustitiam loquimini, recta iudicate filij homi-
 num: Et illud? Nolite iudicare, vt non iudicemini, in quo enim Matth. 7. 1:
 iudicio iudicaueritis, iudicabimini: & istud? Propter quod inex- Rom. 2. 14
 cusabilis es, ô homo omnis, qui iudicas. In quo enim iudicas al-
 terum, te ipsum condemnas. Quid enim? num causam tibi fuisse
 sufficientem arbitraris, ut adulteros iudicares, qui deprehensi sunt à te
 colloquentes? Causa sufficiens à viro prudente existimatur, qua, consi- Sot. lib. 3. de
 derata condicione materia, & persona & alijs circumstantijs mouere po- iustitia q. 4.
 test prudenter ad malum aliquod indicandum. Quis umquam vir pru- art. 3.
 dens, statim de adulterio iudicat, quem cum femina vides sermocinan-
 tem? Nonne prudentes erant Apostoli? & tamen nihil tale de Christo Ioan. 4. 27.
 sunt suspicati, quantumvis mirabantur, quia cum muliere loquebatur,
 nempe Samaritana. Teipsum appello, num quid enim sapientis cum fe-
 mina colloctus? igiturn te debuit uxor tua, ut adulterum repudiare,
 nedum tam exquisitus tormentis exagitare? Nonne lex naturalis pra-
 cipit, quod ab alio oderis tibi fieri, ne tu alteri facias? Nolles tu Tob. 4. 16?
 hac alios in te regula collocutionis iudicari, cur igitur ipse lege tam pra-
 ua iudicas uxorem tuam? non sineres tu hoc testimonio te de adulterij
 criminē vinci: Cur igitur in coniugem tuam eiusmodi & testiu & in-
 dex extixisti? Si vita hominis a tam leui conjectura pendet, millies occi- S Thom. 2. 22
 di meruisti. Praterquam, quid, ad aliquem in iudicio condemnandum q. 60. art. 3.
 ad pœnam, certitudo requiratur, per idoneorum testimoniū probationem.
 & Calet, ib.
 Quod quia tu neglexisti, reus innocentem damnauisti, neque iam illa
 est adultera, sed tu homicida. Itaque uxorem à pœna absolve, tu pœni-
 tentiam age.

Non facile in contrarium mouentur magni domini, & mag- VI.
 ni pec-

ni peccatores: illi ob superbiam, qua se putant errare non posse; isti ob contumaciam, qua obduruerunt. Quare cùm Vdalricus Comitem verbis non posset corriger, prodigio rem transfigit. Ita igitur silentem est allocutus: *Quandoquidem sermonibus nihil profisimus, visne errarem tuum agnoscere, si hoc, toto iam anno, emortuum atque effutum caput, quod uxori tuae catenis, tamquam infame adulterij monumentum, & horrendum monile, ad collum alligasti, innocentiam suam loquendo reddiderit testamat?* Quid hic exciperet Comes? spopondit. Sponsione facta, D. Vdalricus facellanos aliosque sacerdotes comites hortatus est, vt Deum ardentissimis votis rogarent, ne ad honorem nominis sui, ac populi circumstantis bonum (erant quadraginta in loco præsentes) antiqua renouare miracula deditgaretur. Itum est in preces. Nec diu distulit exaudire seruum suum Deus, sed per amputati capitis putrem iam lignam eiusmodi vocem edidit. *Ego cum hac femina non peccauit.* Quasi tonitru audiuissent, ita attoniti omnes steterunt. Sed D. Vdalricus etiam cadauer occisi iussit afferri, quod sub patibulo sepultum exhumatum est, & afferi impositum in triclinium illatum, tum caput à muliere demptum ad trunci corporis pedes, de more proiectum est. Sed o potentiam Dei? nemine manus adhibente, sponte sua à pedibus ad ceruicem accessit, illique ita repente coailit, vt homo, duodecim menses mortuus, illico reuiuiscens surrexerit, Comitemque in hæc verba compellarit: *Domine comes, innocentiam & integerrimam Coniugem tuam iniuste iudicasti, & indigno suppicio crudeliter affixisti; nihil illa in te umquam peccauit, sed tu in illam.* Dici non potest, quis tunc in omnium animis motus, quæ vox, qui gratulantum atque Deum laudantium exorti sint clamores. Alij innocentium vindicem, alij patientium coronam; alijs derelictorum defensorem Deum celebrarunt, qui deducit ad inferos, & reducit, alijs deinde Vdalricum ipsum laudibus extulerunt; alijs denique diuinæ proiudentiæ gratias egerunt, qui talem hospitem adduxisset. Rediit tunc afflictissimæ dominæ color, rediit animus, & decus, quam vberrimè lachrymans, & ad genua eius accidens Comes, venia suppliciter petitæ, tanto in thalamum honore recepit; quanta prius ignominia iniuriaq; à se repulit ad canes, & repudiauit. Habita est postea non solùm

in ve-

in veneratione, ob innocentiam, sed etiam pro sancta, ob patientiam. Siluit enim toto anno, tam diriter tractata, neque umquam innocentiam suam obtendit, neque viri iniurias accusavit; ut hoc ipsum pro maiore miraculo sit existimatum, quod femina illustri sanguine oriunda tantum dedecus; mulier delicatè enutrita tam asperum vitæ genus potuerit æquanimiter tolerare; quam quod alter sit ad vitam reuocatus. Et si enim hoc contra naturæ est leges; illud tamen plus quam feminineam exigit virtutem. Et uxorem quidem suam Comes recepit; Nobilem autem illum numquam de iniuria sibi illata questum (quod in altera vita iusti iudicij diuini arcana inspexerit, & nouerit, cur Deus eam sibi necem parari permiserit) D. Vdalricus secum Augustam perduxit, ubi in æde summâ B. Mariae dictâ consecrataque, Numini eiusque Matris, gratijs agendis seruauit, eo officij genere, quod Germani quidem die Stielsbrüeder appellant, nos autem custodes templi possumus nuncupare. Post obitum autem S. Pontificis Vdalrici, ad sepulchrum illius, reliquum vitæ adhuc viginti septem annis prolongatæ, & in omni genere pietatis exercitæ dedicauit. Ita hospitio receptus D. Vdalricus, matrem familias in gratiam mariti, maritum ad penitentiam, Nobilem iniuste occisum ad vitam rediit, ignominia iniuriaque omni in maximam Dei ac innocentium gloriam conuersâ.

Possem hinc in encomia patientiæ, in diuini arcani consilia, in Dei artes ex ipsa ignorantia gloriam illustrantes excurrere, & exclamare: *Injustitia Domini recta, letificant corda; sed magnitudo iniuriæ, quam Comes iste innocentissime mulieri instulit, quamque Deus tam inaudito prodigo mundo detexit, me omnia alia agere volentem, velut iniecta manu, ad se trahit, nec sinit tacere tantam immanitatem, quæ non in hoc solo Comite ad cælum clamauit; sed adhuc quotidie patratur. Nam in primis nihil est frequentius, quam inter coniuges zelotypia, & ex hac suspiciones, iudicia temerariè lata; odia, insidiæ, homicidia, & omnis generis mala. Itaque lubet addere, mantissa loco, nihil inter coniuges existere posse grauius, quam mutua fidei diffidentiam, ex qua nascitur coniugum peccatis suspicio, è suspicione observatio ditorum, factorum, nutuum omnium, è dubiis falsisq; signis persuasio; ex hac caderet & parricidia.*

VII.

Psal. 18. 9.

Matth. R^{ea}
der, part. 2.
Bauariz. S^e
pag. 300,

Ddd

Nihil